

馮氏錦囊秘錄卷二十利

亥 23

37<20



卷二十

治療方論

全真二氣湯方論

附方

進代錦囊秘錄

卷二十利



馮氏錦囊秘錄雜症大小合參卷二十

錦囊治療方論

百病之客乎人身也。必有因以客之。經曰：邪之所客，其立必虛。必字，人等有力。後人當進思矣。金姓一令郎，年十四，而患癰病。羣醫不效。針灸繼之。消痰鎮墜之品，備嘗盡矣。其發更頻而更甚。乃延余治診。其脈洪弦有力。惟兩尺則弱。此陰道虧極。孤陽無歛。火性上炎。僵仆諸候。乃發理所然也。若用消痰鎮墜之餌，不幾更耗陰分乎？乃令空心淡鹽湯吞加味八味丸四五錢，以使真陽藏納。然陽無陰，歛何能久。藏火無水，制難免。浮越隨以重濁大料壯木一劑。



繼之以助主蟄封藏之勢則水火得其所矣下午乃服調  
 補氣血養心清肺和肝之膏滋一九如是調理兩月精神  
 倍長癰症不治而愈矣故曰治病必求其本今將

三方具後

加味八味丸方

熟地黃 一斤用八兩清水煎汁去渣將懷山藥四兩

牡丹皮 四兩入汁內煮爛搗爛入藥 白茯苓 三兩入乳拌山茱肉 去核四兩酒

澤瀉 二兩淡鹽水 五味子 二兩每箇銅刀切作兩 片蜜酒拌蒸晒乾焙燥

牛膝 三兩淡鹽 肉桂 取近裏一層有油而滋潤甜極者

製附子 一兩五錢切 薄片微火焙 為末用熟地搗爛入藥加煉



蜜杵好集羣手丸晒乾藏磁器瓶中每早空心淡鹽湯送服四錢隨後進服煎劑使陽藏而陰以秘之也

煎方

大熟地一兩丹參一錢麥冬三錢生白芍二錢茯苓五錢

丹皮一錢遠志五分肉桂一錢甘草二錢牛膝三錢五味子六分

水二盞燈心十根蓮子十粒去心煎八分溫和服於八

味丸後滋陰藥最忌熱服熱服則走陽分不能養陰太

冷則直入腸中又不能滲行經脈

膏滋丸方

酸棗仁四兩炒熟搗碎當歸身三兩酒炒懷熟地八兩金石斛二兩



白芍藥三兩蜜水拌晒乾炒製麥冬三兩拌炒黃米同炒炒燥去米牛膝二兩水洗

製遠志肉二兩用甘草濃汁煮透晒乾焙先以建蓮肉一觔去心

取濃汁三十餘碗去渣入前藥在內煎取頭汁二汁去

渣熬成極濃膏滋入後藥收成大丸

揀人參三兩研極細白茯苓四兩研極細白茯苓三兩研極細

以上收入前膏滋內丸成大丸每枚重四錢下午食遠

白湯化下一丸

旗下何宅一令郎年九歲肚腹脹極痞塊有形肌削神困  
僅存皮骨耳中潰膿目中紅腫牙齦出血或時腐爛咳嗽  
氣短腿膝酸疼夜不能寐日不能食已成壞症乃延余治



北京中医药大学图书馆版权所有

論其病由、乃起於半週之內、肚稍腫硬、卽加消積丸、餌之、服不減、乃消導補脾、兼而治之、久服亦不效、乃清熱扶脾、佐以化積之藥、投之、其內熱腫脹亦並不減、六七年來、服極則倍用、行氣化滯少緩、則用扶脾養胃、熱極則用清熱、和中以延歲月、近則腹脹更甚、痞硬更大、牙疳耳目腫爛、益甚、精神益疲、肌肉益削、向治數醫、俱爲束手待斃而已。按其脈、或時弦洪有力、或時弦而無力、明知久服剋削、攻至真氣內亂、轉護邪氣爲害、先天之真陰真陽已竭、乃中空外浮之象也。要知凡痞氣所成、皆由中氣不能健運、以致痰食氣滯聚而不散、亦非鐵石物也。故古方消積藥中

必兼參朮扶正使正氣一旺自能相佐藥力以化滯於無事之中譬如腫硬氣血一和不由膿血而自散矣奈何以有形之藥峻攻無形之滯揆其意意如有鐵石物在其中也以致中氣愈弱壅滯愈固愈消愈消愈弱不死何待試不思卽大黃巴豆之迅利藥亦必仗中氣以運行人至氣絕之後灌以巴黃劬許豈能通利一物巴黃峻利之最者無人氣以運行則雖入腹而猶置於紙木器中安然不動如此一想則痞聚之類可不仗中氣以運化乎且諸病日久未有不累至根本地位受傷故初病多從標久痛必從本況此病原由根本上來者乎向來所治皆非其治

也。余始先以金匱腎氣丸料加牛膝、麥冬、五味子作湯。次劑空心溫服。數劑熱減而腹脹稍軟。隨以前劑沖入人參湯三錢。食前日二劑。十餘日後精神稍長。諸症漸退。後早晨以生脈飲送下。加牛膝、五味子之八味丸三錢。申酉刻仍以前煎方進服。如是調理兩月。熱症悉退。諸症盡平。肌肉漸生。精神健旺。向患之痞竟不知從何處下落矣。部主政張公五令。卽年七歲。亦患腹腫。醫投消積之藥。日久而脹益甚。肌肉盡削。形如鵠立。勢甚危篤。諸醫已無治法。而請余視。不過冀其十死一生耳。余曰。此幸藥誤。非病拙也。猶土乾則卑。再投燥脾。剋削益令中氣愈虛。而難健。

行於四肢百達乃壅滯於中脹滿益甚自然面目四肢瘦  
削不堪要知此長彼消總此氣也此氣斷無消之之理  
宜溫養以壯之滋陰以配之補其火以生土益中氣以健  
運健運一行清濁自分腫脹自愈要知諸病不能出乎直  
陰真陽之外而人之求生者寧能外乎真陰真陽之中者  
乎真陰真陽者諸危病之要領求生者之根本也陰陽者  
何腎中之水火是也乃定一方以八味去附子倍熟地更  
加牛膝麥冬五味以潤水枯金燥更能使肺氣注於腎而  
有所歸也十餘劑後諸症漸平乃以前方作丸生脈飲送  
之月餘而全愈奈不能久服病雖去而根本未固次年夏

月。兩脇下忽發腫硬。形如婦人之乳垂下。外科投以解毒之劑。不惟不效。兩頤之下。腫亦如之。連翹金銀花之類。進以升十敷貼之藥。塗以百計。毫無減勢。或議開刀。病家大懼。乃與余商治。余曰。此因去年根本未復。入夏陽氣浮外。肝腎之氣不能牢固於下。以致無根之火上炎。則關津管束之處。任其衝爍。爲累何毒之有。經曰。頸項者生氣之本也。乃肝之俞。又咽喉之管束。陰陽之道路。蓋三陽之脈自頸而上。三陰之脈自頸而還。惟其虛也。則無力以還腎。更不能收攝以納。乃浮而腫也。仍以去年之煎方。加青皮。四分土貝母二錢。食前服之。二三劑後。腫減大半。不及十劑。

四腫俱退矣。

戶科李老先生令郎少年鄉薦入都會試。適患咳嗽甚劇。余見其身長肥白。頰色常紅。已知表有餘而裏不足。上假熱而下真寒。病必當劇。勸以重服藥餌。令尊先生以有通譜候選之新貴。甚精醫學。日在診治。自當霍然也。詢其藥。乃山梔黃芩花粉橘紅貝母蘇子杏仁之類。余聞之而心甚駭。欲阻之。恐似嫉妬之言。欲順之。不忍坐視誤藥傷人。惟力陳此病頗重。望謹慎斟酌。勿輕忽從標清理。致生他變。渠皆置之勿聽。數劑後而嗽轉甚。煩躁喜冷。倍常。益信寒涼爲對症之藥。倍用之而病轉劇。乃疑家居不能靜攝。

以致服藥無靈。令移於菴觀之中。同一按摩導氣者爲伴。再兼藥餌。內外夾攻。無不愈矣。不意二日後。煩躁更甚。粒米不食。飲水無度。更信爲實熱。以三黃丸下之。究竟利行不多。而喘促逆奔之勢已見。而未甚。又一劑後。夜半喘急大作。有出無入。遍身麻木。潰汗如注。神昏日直。口噤不言。使者歸而告急於主。先生窘而告急於余。乃促騎馳去。覽其狀。委頓殆盡。按其脈。兩寸左關尙存而已。時當六月。商與四逆理中。主人畏懼。改以人參一兩。麥冬二錢。五味子六分。肉桂錢餘。主人始允。急煎服之。喘減片刻。奈病大藥小。頃復大作。主人不咎寒涼之罪。而反寬參桂之誤矣。余

思盡吾之力。尚可以活。釋彼之疑。若狗彼之見。必死而已。反受其怨。乃堅定一方。勒合服之用。炒白朮三兩。人參兩。炮薑三錢。五味子一錢五分。製附子三錢。煎濃汁半碗。灌之下咽之後。病人張口大聲云。心中如火。烙欲死。汗。疑怨交起。余總不動。聽之。頃然又大聲云。臍間更疼。更熱。欲死矣。余竊喜其陽能下達。未至絕也。果少頃。喘定。汗收。手足溫。而神始清。語言反甚無力。握余手而云。寒家並無好處。及先生。先生何肯堅心立救余命也。余曰。見死不救。非爲醫矣。分內之事。何足謝爲。然此方以尤多而參少者。因中宮久困寒涼。不先爲理中。則陽氣終難下達也。

一。張姓暮年而生一子。年十三歲矣。因暮年老人中風。請  
余診治。見其子出迎。而步履甚難。問其故。則曰。近日患  
腿癰。旦夕疼痛。已請外科調治數日。俱云勢難消散。出  
得兩月收功。余見身體浮胖。面色眊白。已知暮年所得先  
天不足矣。再診其脈。六脈沉細。而微復視其腫。則右腿腫  
脹已極。色白而未冷。余思經曰。氣血不和。留結爲癰。今吾  
使氣血既和。而無留結。則病何自而成。今以昨進乃父之  
八味湯。加牛膝。杜仲。各二錢。食前服之。病家幸最莫逆。余  
言是諾。一劑之後。腿即溫煖。而腫痛減半。再劑而全退。三  
四劑後。足力如故。步履如常矣。

吏部考功司正郎河南張老先生性稟端方居官清肅  
任作令臨潼適當吳逆叛爲文兼武備旦夕焦勞遂得  
忡耳鳴諸症療者俱以痰治湧出痰涎斗許復用痰藥  
餌痰勢雖清精神內奪繼而逆寇蕩平行取擢列銓部  
兢辦事殫心竭力歷有年矣忽於辛未七月十二日正  
衙門辦事卒倒殭仆痰湧齟齬口開手足強直自汗  
如雨倉卒擡至私宅醫者病家俱謂斷無生理而危在頃  
刻也值禮科王老先生探視見其勢甚危篤力延余視按  
其脈則六部皆豁大無倫驗其候脫勢已具八九實刻不  
容緩矣乃立一方人參三兩白朮二兩附子五錢煎濃汁

大半碗灌之令其照方日三劑夜二劑按時進之以補接  
虛脫之勢服後脈氣漸斂身熱漸和潰汗漸收次日仍用  
前方日二服夜一服至三日諸症漸減但疆仆不省如故  
余曰此工夫未到故標症稍平而失散之本元神氣未能  
歸復也不可少緩仍照前方日二夜一凡飲藥後必灌濃  
米汁半鍾以保胃氣以助藥力或有勸入風藥者余曰保  
之不暇敢散之乎或有勸加痰藥者余曰補之難實敢消  
之乎更有勸清火之藥者余曰此尤誤矣元陽欲脫挽  
之尚恐不及敢敗之乎余之重用白朮附子者既壯人參  
培元之力而消痰去風息火之義已在於中矣倘稍涉標